



## **KENYATAAN / SIARAN AKHBAR**

Untuk maklumat lanjut sila hubungi:  
**Bahagian Komunikasi Korporat  
Perbadanan Putrajaya**  
Tel: 03-8887 7033 Faks: 03-8887 5013

### **MAJLIS PENYERAHAN KUNCI PROJEK PEMBANGUNAN PERUMAHAN PENJAWAT AWAM MALAYSIA MADANI DALUR (PPAM MADANI DALUR) P18 DI WILAYAH PERSEKUTUAN PUTRAJAYA**

**PUTRAJAYA, 01 Jun 2023** – Perdana Menteri Malaysia, YAB Dato' Seri Anwar bin Ibrahim menyempurnakan Majlis Penyerahan Kunci Projek Pembangunan Perumahan Penjawat Awam Malaysia Madani Dalur (PPAM Madani Dalur) di Presint 18, Wilayah Persekutuan Putrajaya di Dewan Seri Madani Dalur hari ini.

Turut hadir sama dalam majlis tersebut adalah Ketua Setiausaha Negara, YBhg. Tan Sri Dato' Seri Mohd Zuki Bin Ali, Menteri Pembangunan dan Kerajaan Tempatan, YB. Tuan Nga Kor Ming, Ketua Pengarah Jabatan Wilayah Persekutuan, YBhg. Datuk Seri Hajah Rosida Binti Jaafar dan Presiden Perbadanan Putrajaya (PPj), YBhg. Dato' TPr. Fadlun Bin Mak Ujud.


Objektif utama projek pembangunan PPAM Madani Dalur adalah untuk menyediakan Perumahan Mampu Milik dalam kategori kos sederhana rendah di Wilayah Persekutuan dalam usaha Kerajaan membantu golongan sasaran untuk memiliki kediaman yang selesa, persekitaran yang selamat, sihat dan sejahtera. Di samping mencapai matlamat Wawasan Kemakmuran Bersama 2030 serta merealisasikan Dasar Perumahan Negara (2018-2025) di Wilayah Persekutuan, di mana keperluan pemilikan rumah diasaskan kepada keperluan penduduk yang disandarkan kepada kemampuan untuk membeli dan membayar. Dalam majlis yang sama, YAB Perdana Menteri turut menandatangani plak perasmian Dewan Seri Madani Dalur Presint 18.

PPAM Madani Dalur yang siap dibangunkan ini mempunyai sejumlah 500 unit kediaman dengan keluasan lantai adalah 1,000 dan 1,200 kaki persegi. Harga PPAM Madani Dalur yang ditawarkan adalah lebih rendah daripada harga pasaran dengan

harga jualan tidak melebihi RM260,000.00 seunit tidak termasuk kos nilai tanah di Putrajaya. Di samping itu, penetapan syarat minimum 60 peratus daripada jumlah unit pembangunan ini akan diperuntukkan kepada kuota Bumiputera bagi mengatasi masalah pemilikan rumah oleh kumpulan B40.

Pembangunan PPAM Madani Dalur ini turut merangkumi kemudahan seperti surau, sudut bacaan Al-Quran, dewan serbaguna, tadika, taska, ruang niaga, gelanggang badminton, taman permainan kanak-kanak dan tempat letak kereta berbumbung bagi memastikan persekitaran hidup yang lebih kondusif dan berkualiti.

Sehingga kini, sebanyak 9,480 unit PPAM yang melibatkan 11 tapak projek pembangunan di Presint 5, 6, 11, 16, 17 & 18 telah siap dibina sepenuhnya sehingga tahun 2023 di Wilayah Persekutuan Putrajaya.



**(TP. NORZITA BINTI ABDUL RAZAK)**  
**Pengarah Komunikasi Korporat**  
b.p. Presiden  
Perbadanan Putrajaya

Tarikh: 25 Mei 2023

---

Sebarang pertanyaan atau maklumat lanjut mengenai Siaran Media berhubung Majlis Penyerahan Kunci PPAM Madani Dalur Presint 18, Putrajaya, sila hubungi Encik Mohamad Rohaizat Bin Kasman di 03-88877299 / 017-3132590 atau Puan Haryani Binti Kaulan, Pegawai Media PPj ditalian 03-88877588 / 019-3831564 atau melalui e-mel [ijat@ppj.gov.my](mailto:ijat@ppj.gov.my) / [haryani@ppj.gov.my](mailto:haryani@ppj.gov.my).